

Na osnovu člana 130. Zakona o bankama („Službene novine Federacije BiH“, broj 27/17), čl. 5 stav (1) tačka h) i 19. stav (1) tačka c) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17) i člana 12. stav (1) tačka d) Statuta Agencije za bankarstvo Federacije Bosne i Hercegovine („Službene novine Federacije BiH“, broj 03/18), Upravni odbor Agencije za bankarstvo Federacije Bosne i Hercegovine, na sjednici održanoj dana 14.12.2022.godine donosi

## **ODLUKU**

### **O IZMJENI I DOPUNI ODLUKE O IZVJEŠTAJIMA KOJE BANKA DOSTAVLJA AGENCIJI ZA BANKARSTVO FEDERACIJE BOSNE I HERCEGOVINE PREMA STANDARDIZOVANOM REGULATORNOM IZVJEŠTAJNOM OKVIRU (COREP)**

#### **Član 1.**

(1) U Odluci o izvještajima koje banka dostavlja Agenciji za bankarstvo Federacije Bosne i Hercegovine prema standardizovanom regulatornom izvještajnom okviru (COREP) („Službene novine Federacije BiH“, br. 86/20 i 61/21), u članu 3. iza stava (2) dodaje se novi st. (3) i (4), koji glase:

“(3) Banka je dužna izvještaje iz člana 2. stav (1) ove odluke dostavljati samo elektronski, putem informacionog sistema Agencije, a na izvještajni datum 31.12. i u papirnoj formi, pri čemu isti trebaju biti potpisani od strane nadležnih lica banke od kojih jedno lice mora biti član uprave banke u čijoj je nadležnosti funkcija regulatornog izvještavanja.

(4) Izvještaje iz člana 2. stav (1) ove odluke usvaja nadzorni odbor banke.“

(2) Dosadašnji stav (3), koji postaje stav (5) mijenja se i glasi:

“(5) Uz izvještaje iz stava (1) ovog člana koji se dostavljaju na izvještajni datum 31.12., banka je dužna dostaviti i „Obrazac BFBIH - FBA“ kojim se dokazuje da su izvještaji prihvaćeni od strane nadzornog odbora banke.“

(3) Dosadašnji st. (4), (5), (6) i (7) brišu se.

(4) Dosadašnji stav (8) postaje stav (6).

#### **Član 2.**

Ova odluka stupa na snagu osmog dana od dana objavljivanja u „Službenim novinama Federacije BiH“, a primjenjuje se počev od finansijskog datuma 31.03.2023. godine.

**Broj: U.O.-06-03/22**  
**Sarajevo, 14.12.2022. godine**

**PREDSJEDNICA**  
**UPRAVNOG ODBORA**

**Ivanka Galić, dipl.ecc., s.r.**